



# СЛУЖБЕНИ НОВИНИ

## АВТОНОМНЕЙ ПОКРАЇНИ ВОЙВОДИНИ

„Службени новини АПВ“ виходза, по потреби, на шейсц язикох: сербским, мадярским, словацким, румунским, руским и горватским. - Рукописи ше не враца – Оглашки по тарифи	<p style="text-align: center;"><b>Нови Сад</b> <b>14. януар 2026.</b></p> <p><b>Число 2</b>                      <b>Рок LXXVII</b></p>	Рочна предплата 15.000 динари - Термин за рекламациї 15 днї. - Редакция и администрация: Нови Сад, Войводи Мишича 1 ISSN 0353-8419 COBISS.SR-ID 10640140 Email: sl.listapv@magyarszo.rs
--	--	---

## ОБЩА ЧАСЦ

### 4.

На основи члена 32. пасус 1. точка 4. и члена 35. и 36. пасус 2. Покраїнскей скупштинскей одлуки о Покраїнскей владі («Службени новини АПВ», число 37/14) и члена 10. и 11. Покраїнскей скупштинскей одлуки о бюджету Автономней покраїни Войводини за 2026. рок («Службени новини АПВ», число 63/25), а у вязи з членом 12. пасус 2. Закона о здравственей зашити («Службени глашнік РС», число 25/19, 92/23 – автентичне толмачене и 29/25 – Одлука УС), Покраїнска влада, на схадзки хтора отримана 14. януара 2026. року, принесли

**ОДЛУКУ**  
**О ПОСТУПКУ И КРИТЕРИУМОХ ЗА ДОДЗЕЛЬОВАНЕ**  
**БУДЖЕТНИХ СРЕДСТВОХ ПОКРАЇНСКОГО**  
**СЕКРЕТАРИЯТУ ЗА ЗДРАВСТВО ЗА ВИБУДОВ,**  
**ОТРИМОВАНЕ И ОПРЕМАНЕ ЗДРАВСТВЕНИХ**  
**УСТАНОВОХ ЧИЙ СНОВАТЕЛЬ АВТОНОМНА ПОКРАЇНА**  
**ВОЙВОДИНА**

#### Член 1.

Зоз тоту одлуку ше утвердзуе поступок и критериуми за додзельоване средствох Покраїнского секретариату за здравство (у дальшим тексту: Секретариат) хтори у бюджету Автономней покраїни Войводини за 2026. рок обезпечени на основи члена 12. пасус 2. Закона о здравственей зашити («Службени глашнік РС», число 25/19, 92/23 – автентичне толмачене и 29/25 – Одлука УС) за окончоване сновательних правох над здравственима установами чий снователь Автономна покраїна Войводина, у складзе зоз законом и Уредбу о плану мрежи здравствених установох («Службени глашнік РС», число 5/20, 11/20, 52/20, 88/20, 62/21, 69/21, 74/21, 95/21, 43/23, 58/23, 87/23, 103/23, 83/24, 101/24 и 71/25 (у дальшим тексту: План мрежи здравствених установох)).

Средства зоз пасуса 1. того члена обезпечени у бюджету Автономней покраїни Войводини за 2026. рок у рамикох розділу 08 Покраїнски секретариат за здравство, програма 1807 Розвой инфраструктури здравствених установох, програмна активносц 1001 Вибудов и опремане здравствених установох у державней власносци чий снователь АП Войводина у вкупней суми 2.000.000.000,00 динари.

### Член 2.

Средства зоз члена 1. тей одлуки ше додзельоване за финансване, односно софинансоване: вибудови, отримованя и опреманя здравствених установох, односно за инвестиційне укладане, инвестиційне отримоване просторийох, медицинскей, немедицинскей опреми, превозних средствох и опреми у обласци интегрированной здравственей информацийней системи у суми 1.800.000.000,00 динари и за нагли капитални оправки за хтори ше средства не обезпечуе на основи контракту хтори заключени з Републичним фондом за здравствене осигуране о даванио здравственей зашити з обовязного здравственого осигураня осигураним особом у суми 200.000.000,00 динари (окрем трошкох чечуцого отримованя обектох и просторийох и чечуцого сервисованя медицинскей, немедицинскей опреми, превозних средствох и опреми у обласци интегрированной здравственей информацийней системи).

### Член 3.

Право на додзельоване средствох маю здравствени установи чий снователь Автономна покраїна Войводина, у складзе зоз Планом мрежи здравствених установох.

### Член 4.

Средства за наменки хтори утвердзени з членом 2. тей одлуки ше додзельоване преїг явних конкурсох: за финансване, односно софинансоване вибудови, отримованя и опреманя здравствених установох у 2026. року и за финансване, односно софинансоване наглих капиталних оправкох у здравствених установох у 2026. року.

Явни конкурси зоз пасуса 1. того члена ше розписуе найменей раз рочне.

### Член 5.

Явни конкурси розписуе Секретариат, а обяви ше их у «Службених новинох Автономней покраїни Войводини» и на интернет-боку Секретариату [www.zdravstvo.vojvodina.gov.rs](http://www.zdravstvo.vojvodina.gov.rs), а информацию о явним конкурсу и адресу интернет-презентациї на хторей обявени явни конкурс ше обяви у найменей єдних дньових новинох хтори ше дистрибууе за цалу територію Републики Сербії.

**Член 6.**

Явни конкурсу облапя податки о акту на основе хторого ше го розписуе, податки о висини вкупних средствох яки превидзени за додзельоване по явним конкурсу, право участвованя на явним конкурсу, податки о задатку хтори предмет явного конкурсу, податки о способе и термину за подношене приявох, односно термину по кеди конкурсу отворени и о критериюмох за оценюване приявох, як и други податки хтори важни за його запровадзоване.

**Член 7.**

Прияву на явни конкурсу ше подноши у єдним прикладніку, на формуларе прияви чий змист утврдує Секретарият и вона обовязно облапя:

- общи податки о подношительови прияви;
- предмет прияви (напр. податки о файти и количестве медицинской або немедицинской опреми за хтору ше з прияву вимага финансийни средства, опис инвестиційного укладаня – вимагани адаптації/санациї, опис наглей капиталней оправки);
- опис потреби (напр. причини потреби набавки медицинской и немедицинской опреми, причини за инвестиційне укладане, причини потреби одстранюваня дефекту);
- место реализації (напр. обект и организацијну єдинку здравственой установи у хторей треба окончиц инвестиційне укладане за хторе средства вимагани з прияву, организацијна єдинка здравственой установи у хторей ше будзе хасновац вимагану медицинску опрему);
- циль и обчєковани резултати вимаганей вибудови, отримованя, односно опреманя здравственой установи, вимагани нагли капитални оправки;
- обгрунтоване потреби за финансованьом, односно софинансованьом вимаганей наменки (напр. обгрунтоване потреби набавки вимаганей медицинской опреми з оглядом на можлівосц/неможлівосц даваня здравственой услуги, доприношене зменшаню лістинох чеканя на здравствену услугу з набавку вимаганей опреми);
- динамику реализації (час початку и законченя реализації);
- суму вимаганих средствох (вкупну суму средствох хтори потребни за реализацію, суму средствох хтори вимагани од Секретарияту, суму власних средствох и суму средствох з других жридлов з наводзеньом жридлов);
- структуру трошкох вимаганих средствох.

Подношитель прияви може поднесц вещей прияви по єдним явним конкурсу.

Формулар прияви на явни конкурсу ше обявює на интернет-боку Секретарияту, з явним конкурсом.

**Член 8.**

Неблагочасни и неподполни прияви, прияви хтори поднесли неовласцени особи и прияви хтори не поднешени на предписаним формуларе – ше не будзе ше розпатрац.

**Член 9.**

Поступок явного конкурсу за додзельоване средствох запровадує комиссия хтору формує покраїнски секретар за здравство з Ришеньом з яким ше утврдує задатки и состав комисии. Комисию ше формує за кажди конкурсу окреме.

Комисия зоз пасуса 1. того члена ма председателя и двох членох хторих ше менує з шора занятих у Секретарияту; Комисия роби и одлучує у полным составе и о своей роботы водзи записнік, а одлуки приноши з векшину вкупного числа членох. Комисия на першей схадзки вибера председателя Комисии хтори координує з роботу Комисии и водзи схадзки.

Члени Комисии, по приношеню Ришеня зоз пасуса 1. того члена, подписую вияву з хтору потврдує же у предметним явним конкурсу не маю приватни интерес у вязи з роботу и одлучованьом Комисии, односно зоз запровадзованьом конкурсу (вияву о неиснованю зраженя интересох).

Особи хтори меновани до Комисии зоз пасуса 1. того члена не могу поднімац дії у свойстве члена Комисии пред тим як цо подпишу вияву зоз пасуса 3. того члена.

Кед под час поступку явного конкурсу член Комисии дозна же може буц у зраженю интересох, вон длужен о тим такой информовац других членох Комисии, буц виокремени з дальней роботы Комисии и о тим, без одкладаня, информовац у писаней форми покраїнского секретара за здравство, хтори подніма потребни мири же би онєможлівел чкодліви пошлїдки у дальшим цеку поступку явного конкурсу, уключуюци и меноване нового члена до Комисии, у случаю же ше утврдує исноване зраженя интересох.

**Член 10.**

Комисия розпатра и преценює прияви цо сцигли на явни конкурсу по виходзеню термину за подношене приявох, односно найменей кажди два мешаца, у периодзе покля явни конкурсу отворени.

По розпатраню и преценюваню приявох цо сцигли на явни конкурсу по критериюмох яки утврдує з тоту одлуку, Комисия составя бодовну лістину и обгрунтоване предкладане за додзельоване средствох по явним конкурсу и доручує го покраїнскому секретарови за здравство.

Покраїнски секретар за здравство розпатра предкладане Комисии и приноши Одлуку о додзельованю средствох (у дальшим тексту: одлука), у складзе з ликвидними можлівосцами бюджету. Одлука конечна и против ней не мож уложити правни лік.

На основе Одлуки зоз пасуса 3. того члена, Секретарият и хаснователь средствох заключую контракт з яким ше регулує медзисобни права и обовязки контрактных бокох.

Секретарият резултати явного конкурсу обяви на своїм интернет-боку.

## Член 11.

Прияви за додзельоване средствох за наменки вибудови, отримованя и опреманя здравствених установох, односно за инвестиційне укладане, инвестиційне отримоване просторийох, медицинскей и немедицинскей опреми, превозних средствох и опреми у обласци интегрированной здравственой інформаційней системи ше бодуе по тих критериюмох:

ПЧ	Критериюми	Боди
1.	Ступень необходимости реализації вимаганей вибудови, отримованя, односно опреманя здравственой установи за организоване работи и окончоване діялности здравственой установи – вкупне число бодох хтори мож додзеліц то 30	
	винітково високи	30
	високи	20
	штредні	10
	мали	5
2.	Доприношене вимаганей вибудови, отримованя, односно опреманя здравственой установи гу унапредзованю доступности здравственой зашити, односно скраценю чеканя на здравствену услугу – вкупне число бодох хтори мож додзеліц то 30	
	винітково високе	30
	високе	20
	штредне	10
	мале	5
3.	Ступень наглосци у одношеню на можлівосц/неможлівосц даваня здравствених услугох пациентом – вкупне число бодох хтори мож додзеліц то 10	
	винітково нагли	10
	нагли	7
	штредні ступень наглосци	3
	не нагли	0
4.	Исноване налогу инспекції за поступане – вкупне число бодох хтори мож додзеліц то 5	
	гей	5
	не	0
5.	Доприношене уводзеню и применёваню нових здравствених технологійох – вкупне число бодох хтори мож додзеліц то 5	
	гей	5
	не	0
6.	Висина вимаганих средствох и одношене трошкох и обчекованих резултатох – вкупне число бодох хтори мож додзеліц то 15	
	висина вимаганих средствох до 0,5% вкупней суми средствох хтори ше додзелюе з явним конкурсом	5
	висина вимаганих средствох од 0,5% по 1% вкупней суми средствох хтори ше додзелюе з явним конкурсом	3
	висина вимаганих средствох векша як 1% вкупней суми средствох хтори ше додзелюе з явним конкурсом	1
	винітково вигодне одношене трошкох и обчекованих резултатох	10
	вигодне одношене трошкох и обчекованих резултатох	5
	невигодне одношене трошкох и обчекованих резултатох	0
7.	Неможлівосц обезпечованя средствох з других жридлох – вкупне число бодох хтори мож додзеліц то 5	
	гей	5
	не	0

## Член 12.

Прияви за додзельоване средствох за наменки наглих капиталних оправкох за хтори ше средства не обезпече на основи контракту хтори заключени з Републичним фондом за здравствене осигуране о даваню здравственей зашити зоз обовязного здравственого осугураня осигураним особом ше бодуе по тих критериюмох:

ПЧ	Критериуми	Боди
1.	Ступень необходимости реализациі наглей капиталней оправки, маюци у оглядзе неможлівосц даваня здравствених услугох, окончоване діялносци и организацию процесу роботи здравственей установи – вкупне число бодох хтори мож додзеліц то 30	
	винімово високи	30
	високи	20
	штредні	10
	мали	5
2.	Доприношене реализациі наглей капиталней оправки гу унапредзеню доступносци и приступносци здравственей зашити, односно скрацованю чеканя на здравствену услугу – вкупне число бодох хтори мож додзеліц то 30	
	винімово високе	30
	високе	20
	штредне	10
	мале	5
3.	Ступень наглосци реализациі наглей капиталней оправки у одношено на даване здравствених услугох – вкупне число бодох хтори мож додзеліц то 10	
	винімово нагли	10
	нагли	7
	штредні ступень наглосци	3
	не нагли	0
4.	Исноване налогу инспекциі за поступане – вкупне число бодох хтори мож додзеліц то 5	
	гей	5
	не	0
5.	Причина наставаня дефекту, односно чкоди (напр. висша сила, елементарна непогода, инши непредвидзени обставини, виходзене гарантногo термину и инше) – вкупне число бодох хтори мож додзеліц то 5	
	гей	5
	не	0
6.	Сума вимаганих средствох и одношене трошкох и обчекованих резултатох – вкупне число бодох хтори мож додзеліц то 15	
	сума вимаганих средствох до 0,5% вкупней суми средствох хтори ше додзелюе з явним конкурсом	5
	сума вимаганих средствох од 0,5% по 1% вкупней суми средствох хтори ше додзелюе з явним конкурсом	3
	сума вимаганих средствох вецей як 1% вкупней суми средствох хтори ше додзелюе з явним конкурсом	1
	винімово вигодне одношене трошкох и обчекованих резултатох	10
	вигодне одношене трошкох и обчекованих резултатох	5
	невигодне одношене трошкох и обчекованих резултатох	0
7.	Неможлівосц обезпечованя средствох з других жридох – вкупне число бодох хтори мож додзеліц то 5	
	гей	5
	не	0

**Член 13.**

Средства хтори додзелени по явним конкурсу, хаснователе средствох можо хасновац лем за наменки за яки су додзелени и вони маю обовязку врациц непотрошени средства. У случаю же ше утвердзи же хаснователь средствох не хасновал средства наменково, Секретариат затримуе право вимагац врацане пренешених средствох зоз законску зацагууюцу камату хтору ше рахуе од дня уплацованя по дзень врацаня додзелених средствох.

Средства зоз пасуса 1. того члена подлегуо под контролу применюваня законов у обласци материялно-финансийного ділованя и наменкового и законїтого хаснованя средствох, хтору окончуе бюджетна инспекция. Хаснователь средствох длужен теї бюджетней инспекциї оможливиц незавадзану контролу наменкового и законїтого хаснованя средствох по предмету контракту у хаснователя средствох.

**Член 14.**

Хаснователе средствох по явним конкурсу длужни у шицких явних публикацийох и при обявйованю о активносцох хтори ше финансиуе по явним конкурсу, навесц же у їх финансваню участвовала Автономна покраїна Войводина, односно Секретариат.

Хаснователе средствох зоз пасуса 1. того члена длужни Секретариату поднесц звит о хаснованю средствох з документацию о їх наменковим хаснованю хтору оверела одвичательна особа у терминох хтори наведзени у Информациї установом – хаснователюм средствох/наручителюм о доручованю документациї при оправдованю средствох Покраїнского секретариату за здравство хтори состоїна часц контракту з хторим ше регулуе права и обовязки контрактних бокох по додзельованю средствох на явним конкурсу.

**Член 15.**

Зоз ступанюм на моц теї одлуки престава важиц: Одлука о поступку и критериюмох за додзельоване бюджетних средствох Покраїнского секретариату за здравство за вибудов, отримоване

и опремане здравствених установох чий снователь Автономна покраїна Войводина («Службени новини АПВ», число 2/25), окрем за поступки хтори почати по початок применюваня теї одлуки хтори ше закончи з применюванюм предписанюх по яких су почати.

**Член 16.**

Тота одлука ступа на моц осми дзень по обявйованю у «Службених новинох Автономней покраїни Войводини».

**ПОКРАЇНСКА ВЛАДА**

Число: 000015595 2026 09413 000 000 060 070 04 002

Нови Сад, 14. януара 2026. року

ПРЕДСИДАТЕЛЬ  
Покраїнскей владі,  
Мая Гойкович, с.р.

**5.****ИНФОРМАЦИЯ  
О ОГЛАШОВАНИЮ ЯВНОГО КОНКУРСУ**

Служба Скупштини Автономней покраїни Войводини оглашуе Явни конкурс за пополньоване вивершителного роботного места на неодредзени час, число: 000064233 2026 09412 000 000 112 006 29 004 од 12. януара 2026. року.

Текст Явного конкурсу и Формулар прияви за пополньоване роботного места мож найсц на интернет-презентациї Скупштини Автономней покраїни Войводини, на хторей обявени текст конкурсу: [www.skupstinavojvodine.gov.rs](http://www.skupstinavojvodine.gov.rs).

ГЕНЕРАЛНИ СЕКРЕТАР,  
Др Сандра Стойкович, с.р.

**Надпомнуче:**

У тих «Службених новинох АПВ» ше не обявює Окремну и Огласну часц, у складзе зоз членом 5. пасус 2. Покраїнскей скупштинскей одлуки о обявйованю предписанюх и других актох («Службени новини АПВ», число 54/14, 29/17, 12/18 и 53/25).





## З М И С Т

Редни број	Предмет	Страна	Редни број	Предмет	Страна
<b>ОБЩА ЧАСЦ</b>					
<b>ПОКРАЇНСКА ВЛАДА</b>					
4.	Одлука о поступку и критериумох за додзельоване бюджетних средствох Покраїнского секретариату за здравство за вибудов, отримоване и опремане здравствених установох чий снователь Автономна покраїна Войводина.		17.	Ришене о преставаню длужности окончователя длужности директора Народней библиотеки «Йован Попович» Кикинда;	
			18.	Ришене о менованю директора Народней библиотеки «Йован Попович» Кикинда.	
			<b>ОДБОР ЗА АДМИНИСТРАТИВНИ И МАНДАТНИ ПИТАНЯ СКУПШТИНИ АВТОНОМНЕЙ ПОКРАЇНИ ВОЙВОДИНИ</b>		
			19.	Ришене о преставаню длужности окончователя длужности помощника генералного секретара Скупштини Автономней покраїни Войводины;	
			20.	Ришене о поставеню окончователя длужности помощника генералного секретара Скупштини Автономней покраїни Войводины;	
			21.	Ришене о преставаню длужности окончователя длужности помощника генералного секретара Скупштини Автономней покраїни Войводины;	
			22.	Ришене о поставеню окончователя длужности помощника генералного секретара Скупштини Автономней покраїни Войводины;	
			23.	Ришене о преставаню длужности окончователя длужности помощника генералного секретара Скупштини Автономней покраїни Войводины;	
			24.	Ришене о поставеню окончователя длужности помощника генералного секретара Скупштини Автономней покраїни Войводины.	
			<b>ОГЛАСНА ЧАСЦ</b>		
			<b>ПОКРАЇНСКИ СЕКРЕТАРИЯТ ЗА ОБРАЗОВАНС, ПРЕДПИСАНЯ, УПРАВУ И НАЦИОНАЛНИ МЕНШИНИ – НАЦИОНАЛНИ ЗАЄДНІЦА</b>		
			25.	Оглашка за поставене стаємних судских предкладательох за подруче висших судов на території Автономней покраїни Войводины.	
			<b>ПОКРАЇНСКИ СЕКРЕТАРИЯТ ЗА ПРИВРЕДУ И ТУРИЗЕМ</b>		
			26.	Явни конкурс за додзельоване безповратних средствох микро и малим привредним дружеством и поднімателем за субвенционоване трошкох за набавку основних або обрацающих средствох у 2026. року.	

**ОГЛАСИТЕЛНИ СТРАЦЕНИХ ДОКУМЕНТОХ ЗА НСВАЖАЦИ: 300 динари**

Уплацоване на рахунок ч. 340-15329-18/поволанка на ч. 13/Д.о.о. Мадяр Со Кфт. Нови Сад, Войводи Мишича ч. 1  
Текст оглашки, з подтвердзеньом о уплацованю (прикладник або фотокопию уплатніци) послаца на адресу:  
„Службени новини АПВ” Д.о.о. Мадяр Со Кфт, Войводи Мишича ч. 1, Нови Сад

Видаватель: Покраїнски секретариат за образование, предписания, управу и национални меншини – национални заєдніци

Одвичательни редактор: Дияна Катона Тел. 021- 487 44 27.

Друкуе: Д.о.о. Мадяр Со Кфт. Друкарня ФОРУМ, Войводи Мишича ч. 1, Нови Сад, Телефони; Редакция 064 805 5142,  
Служба предплати: 021 557 304, Одделене за оглашки: 021 456 832, е-маил: sl.listapv@magyarszo.rs